

明

史

明史卷二百五十五

列傳一百六

邵寶

楊廉

王鴻儒弟鴻漸

儲巵

潘府

胡鐸

景暘

邵銳

余本

邵寶字國賢無錫人少學於莊泉泉深許之舉成化二十年進士授許州知州其治專教化月朔會諸生學宮講明義利公私之辨改魏文帝廟以祠漢愍帝帝不稱獻而稱愍從昭烈所諡也有巫言龍骨出地中爲禍福寶毀其骨杖巫而遣之釐正版籍躬課農桑力行社倉及計口流田法以備凶荒治行爲中州

剋弘治七年入爲戶部員外郎崇王奏乞亳州正陽
鎮抽分課銀帝欲與之寶謂侍郎劉大夏曰正陽畿
輔地制不以封豈可使藩府收商課如以春秋許田
之義明白論列上宜聽從且課以救荒設非舊制宜
革去大夏以其議上帝從之歷郎中遷江西提學副
使至則率諸生釋菜周元公祠廣白鹿書院學舍以
處來學者其教以致知力行爲本先行檢而後文藝
江西俗好陰陽家言有親死數十年不葬者寶下教
親未葬不得與試於是舉葬者千計寧王宸濠索詩
文峻却不應遷浙江按察使進右布政使與鎮守中

官勘處州銀礦寶慮勞民且生他變奏寢之改湖廣
左布政使正德四年擢右副都御史總督漕運時刻
瑾擅政寶議事匡京絕不與通平江伯陳熊漕帥也
瑾惡其路薄欲使寶劾熊一日昧爽遣校尉數輩追
寶至左順門爲危言恐之曰行逮汝張綵曹元二尚
書自內出私語寶曰君第劾平江無後患矣寶曰平
江功臣後督漕未久無大過不知所劾二人默然去
越三日撫他事逮熊詔獄將并逮寶李東陽爲力解
乃勒致仕瑾誅起巡撫貴州旋拜戶部右侍郎督倉
場還理部事進左侍郎七年省親歸初寶官兩司時

以母老屢求歸養格於例不得至是再請詔許歸省
抵家又乞終養始報可巡按御史唐鳳儀言寶辭祿
養親志不可奪若用之留都既得効忠於國又得遂
其私圖既而御史葉忠又以爲言乃拜南京禮部尚
書再疏辭免世宗立廷臣交薦起前官復以母老懇
辭帝嘉其志許之詔有司以禮存問久之卒贈太子
太保諡文莊寶少孤事母至孝甫十歲母疾爲奏告
天願減己算延母年終養歸嘗得疾左手不仁猶朝
夕侍側不懈生平潛心理學以洛閩爲的躬修實踐
然不爲標榜嘗曰吾願爲真士大夫而已初舉南畿

出東陽門下爲詩文典重和雅取則東陽至原本經
術粹然一出於正則其所自得也家居著述甚富博
綜羣籍有得則書之簡取程氏今日格一物明日格
一物之義名之曰日格子所著學史簡端二錄巡撫
吳廷舉上於朝晚自號二泉學者稱二泉先生
楊廉字方震豐城人父崇永州知府受業吳與弼門
人胡九韶得其端緒廉承家學早以文行稱舉成化
末年進士改庶吉士弘治三年授南京戶科給事中
明年京師地震疏劾用事大臣薦張元禎吳寬李東
陽王鏊劉戡宜鴻講官五年以災異上六事一經筵

傳罷時宜日令講官更直以俟召問二召用言事遷
謫官不當限臺諫及登極以後三治兩浙三吳水患
停額外織造四召取林下恬退諸臣曾經薦舉者五
刪法司條例六災異策免大臣末言天地不交則否
遇大政宜召大臣面議給事御史隨入駁正帝頗納
之吏部尚書王恕被讒廉謂朝廷不可無恕請斥遠
讒邪無爲所惑母喪服闋留任刑科疏請祠祀薛瑄
取讀書錄貯國學以教諸生九年冬京師恒燠廉言
洪範庶徵悉由人事齋醮禱祠非可弭災陛下今日
亦惟於五事加之意而已至於衆論可采勿以逆於

心而不從弊源宜絕勿以適於意而或敝日進儒臣
敷陳要道而令執政大臣推之政事以惠民生則于
意固休徵應明年三月有詔以下旬御經筵廉言故
事經筵一月不過三舉苟以月終起以月初罷則進
講有幾且經筵啟而後日講繼之今逢一日之經筵
即輟一旬之日講聖學緝熙恐不宜如是間隔也報
聞以父老欲便養復改南京兵科中貴李廣死得其
通賄簿籍言官劾羣臣交通者帝初欲究之既而中
止廉率同官上言通者奸邪肆志中外交通忠直之
士欲發之而無驗今幸簿籍可按而諂諛側媚之徒

又倡爲不必窮詰之說如此則羣和朋結更何顧憚
况黃米白米之隱語已譁然於四方國法既所難容
政體寧當但已乞付法司明正厥辟帝竟不納已請
申明祀典謂宋儒周程張朱從祀之位宜居漢唐諸
儒上闕里廟重建當更立木主且言大成本樂名於
謚法不合皆不果行遷南京光祿少卿正德初就改
太僕歷順天府尹時京軍數出車費動數千金廉以
頻歲水旱不能給請大興遞運所餘銀供之奏免夏
稅萬五千石慮州縣巧取民財爲置歲辦簿具載其
數使上下通曉吏無能爲奸革和買借辦之擾一切

悉從官給昌平縣歲辦不前奏升爲州轄密雲順義
懷柔三縣以所頒車十之四均之釐各官馬夫銀於
均徭使不得多取定陵戶貪冒撥補之法以絕影射
皆著爲例九年乾清宮災極陳時政缺失疏留中明
年擢南京禮部右侍郎疏論上下交修之道及帝將
南巡上言巡狩之典惟唐虞可行自夏以後太康有
距河之厄昭王有膠舟之變秦主召博浪之擊隋煬
起突厥之謀祖訓謂帝王居處常懷警備內官及帶
刀人員不可太遠如无英宗夜遇害惟左右太遠致
然聖祖防微慎患周密如此況可微服輕騎馳驅千

萬里之遙哉不報武宗駐南京命百官戎服朝見廉
不可乞用常儀更請謁見太廟俱報許世宗嗣位就
遷尚書廉以帝王之道莫切於大學自爲給事即言
進講宜先大學衍義既而自南京入賀千秋節復言
皇太子講讀宜先大學次論孟而後中庸尚書屬對
作文非養正之道至是又首進大學衍義節畧帝嘉
其忠愛優詔荅之䟽論大禮引程頤朱熹言爲証且
言今之異議者率祖歐陽修然修於考之一字雖欲
加之於濮王未忍絕之於仁宗今乃欲絕之於孝廟
此又修所不忍言者報聞先後八䟽乞休至嘉靖二

年乃許賜勅馳驛給夫廩咸如制家居二年卒年七十四贈太子少保諡文恪廉與羅欽順交善爲程朱之學居敬窮理至老弗懈爲文必根六經然多所自得於天下事靡不究心自禮樂錢穀以及星曆算數之曠具識其本末學者稱月湖先生

王鴻儒字懋學南陽人少工書家貧爲府書佐知府段堅見其書愛之召見驚曰子風神清澈非塵埃中人也留之署中親授以書遣入學校爲諸生遂舉鄉試第一成化末登進士授南京戶部主事衆遷郎中權舟淮安督稅鳳陽皆立條式以清白著擢山西僉

事進副使俱督學政衡別才器崇雅抑浮凡經造就
咸有立志居九年士風甚盛孝宗知其賢嘗語劉大
夏曰鴻儒他日可大用大夏頓首曰誠如聖諭正德
改元謝病歸劉瑾擅政自以多行不義思收召天下
名流四年起爲國子祭酒未幾以父喪去再起南京
戶部侍郎十年召爲吏部右侍郎尋轉左鴻儒清正
自持門無私謁論人務崇實行斥虛名嘗曰濟天下
事惟誠實者能之趨名者亦趨利於社稷生民無益
也尚書陸完好交結嬖倖又與寧王宸濠通鴻儒數
舉先朝名臣夏原吉王翱輩以規之完不悅十四年

遷南京戶部尚書甫履任宸濠反命督軍餉初鴻儒
在都憤羣奸亂政嘗私居飲泣至是強藩倡亂又聞
武宗南巡益憂懣疽發於脇遂卒謚文莊鴻儒爲學
務窮理致用於百家異同必求其原而審乎義所安
故其學宏博淵粹爲世碩儒弟鴻漸鄉試亦第一以
進士累官山東右布政使以廉靖稱

儲燿字靜夫泰州人九歲能屬文母疾刲股療之卒
不起時尚未娶長者強之燿頓髀號天指裂乃已家
貧力營墓域每旦伏哭塚上夜則苦讀領成化十九
年鄉試明年會試亦第一觀政吏部尚書尹旻欲引

爲屬力辭求便養授南京考功主事孝宗嗣位疏薦
前主事張吉王純中書舍人丁璣進士李文祥言諸
人既以直言徇國必不變節辱身今皆棄之窮荒蠻
徼使瀕於死誠可閔念乞引而寘諸風紀論思之地
辭論丰采必有可觀與其旁求敢諫之士不若先用
已試之人吉等遂得錄用久之進卽中考察庶僚雖
執政親故無所假借吏部尚書耿裕知其賢調北部
考注臧否一出至公嘗覈一官已得實裕欲改其評
確正色曰公所執何異王介甫時羣僚咸在側裕大
慙徐曰卽中言是然非我莫能容也十年擢太僕少

卿行部禁有司送迎苛費大省嘗請命史官記注言
動如古左右史時不能用進本寺卿武宗立塞上有
警條禦邊五事又陳馬政病民者四事多議行正德
二年改左僉都御史總督南京糧儲明年召爲戶部
右侍郎尋轉左督倉場所至宿弊盡釐巵爲人端毅
寡合中貴同事者咸見嚴憚時劉瑾用事數凌侮大
臣獨敬巵稱爲先生巵憤其所爲五年春引疾求去
詔許乘傳有司俟疾痊以聞一時驚爲異數其秋瑾
敗以故官召辭不赴七年起南京戶部左侍郎踰年
就改吏部卒官巵體貌清羸若不勝衣淳行清修介

然自守工詩文好推引知名士辟遠非類不惑而嚴
進士顧璘嘗謁尚書邵寶寶語曰子立身當以柴壆
爲法柴壆者巵別號也嘉靖初賜諡文懿

潘府字孔修上虞人成化末舉進士值憲宗崩孝宗
踐阼甫二十日禮官請衰服御西角門視事明日釋
衰易素翼善冠麻衣腰經帝不許命俟二十七日後
行之至百日帝以大行未葬麻衣衰經猶如故府見
帝可與有爲因上䟽請行三年喪略言仁莫大於父
子義莫大於君臣子爲父臣爲君皆斬衰三年仁之
至義之盡也堯舜以來自天子至於庶人一用此道

漢文帝事不師古遺詔短喪其實止欲便天下臣民而景帝遂自行之使千古綱常一墜不振晉武帝欲行而不能魏孝文行之而不盡宋孝宗銳志復古易月之外猶執通喪然不能推之於下未足爲聖王達孝也先帝奄棄四海臣庶銜哀陛下惻怛由衷挺前即位三請始從麻衣視朝百日未改一念之發至性在焉所望遂排羣議斷自聖心執喪三年一如三代舊制詔禮官參考載籍使喪不廢禮朝不廢政勒爲彝典傳之子孫則大本以立大經以正子化於孝臣勸於忠天下萬世共仰扶綱植常之令主豈不偉哉

疏入。衰經待罪。詔輔臣會禮官詳議。並持成制。寢不行。謁選得長樂知縣。縣多浮屠。官府取爲書院。聚士講學。教民遵行。朱子家禮常周行。如野勞問疾。苦田夫野老咸謂府親已就求筆札。府輒欣然與之。入爲南京兵部主事。陳軍民利病七事。父喪除。補刑部。值旱蝗。星變。北寇深入。孔廟災。疏請內修外攘。以謹天戒。又上救時十要。多見採納。以便養乞南。改南京兵部。遷武選員外郎。尚書馬文升知其賢。超拜廣東提學副使。昌明正學。士風大振。時雲南晝晦七日。楚婦人鬚長三寸止。弭災三術。以母老乞休。不待命。輒歸。

已而吏部尚書楊一清及巡按御史吳璉屢薦其學
行終不起嘉靖改元言官交薦起太僕少卿改太常
致仕既歸屏居南山布衣蔬食惟以發明經傳爲事
時王守仁講學其鄉府所居相去不百里論說頗有
異同而從學者相將嘗曰人得天地之氣以生直養
之曰正學順行之曰正道又曰居官之本有三薄奉
養廉之本也遠聲色勤之本也去讒私明之本也人
曰薦賢當惟恐後論功當惟恐先所著素言皆獨抒
所得士類競傳寫之年七十三卒故事四品止予祭
世宗重府孝行特詔予塋

胡鐸字時振餘姚人弘治末舉進士改庶吉士正德二年授刑科給事中出勘寧夏失事狀持正無私叅將霍忠以下多獲罪會焦芳附劉瑾攻謝遷建議餘姚人不得爲京官出鐸河東鹽運副使瑾敗遷福建僉事分巡建寧興教化辨冤抑巡按御史列其善政二十事以聞就遷提學副使教士先理學特嚴朱陸之辨諸生化之時王守仁以良知教學者其說頗近陸氏鐸與守仁書曰足下薄宋儒以聞見之知汨德性之知知一而已德性之知不離聞見聞見之知還歸德性怵惕惻隱之心良知也必乍見孺子而後動

誰謂德性之離開見乎人非形性無所泊舍耳自聞
見之知德性亦無所自發也大學論修身而及於致
知則固合德性聞見言之宋儒居敬窮理之說舉其
全足下良知舉其偏且謂良知見成不費磨礪愛親
敬長之良知必要於達之天下不屑簞豆之良知必
要於萬鍾不受誰是良知而見成也者守仁不荅嘉
靖初遷湖廣叅政遭母憂哀毀盡禮三年不履城市
起補河南再遷雲南左布政使庫有羨金數千吏告
此無碍官帑例得歸公鐸曰無碍於官不有碍於民
乎叱之十二年入爲順天府尹坐鄉試進題稍緩改

南京太僕卿帝一日念之問常日白面府尹安在吏部因推鐸刑部右侍郎未上卒鐸與張璉同舉於鄉深相得初大禮議起璉首主考獻王鐸意與合璉要之同署鐸曰主上天性固不可違天下人情亦不可拂考獻王其跡似私考不已則宗宗不已則入廟入廟則當有祧以藩封虛號之帝而奪君臨治世之宗義固不可也入廟則有位將位於武宗上乎武宗下乎生爲之臣死不得躋於君然魯嘗躋僖公矣恐異日不乏憂父之徒也當俟數年後羣情盡洽而後徐以入告默爲轉移以興義起之禮如欲借爲終南之

徑則非鐸所敢知也。璵議遂上旒被召。鐸方服闋赴京。璵又固要同。疏鐸復書謝之。且與辨繼統之義曰：禮官之說謂皇上以小宗後大宗宜重大宗置小宗。此泥於戴記宗法之論也。足下復引大宗小宗爲辨。其間不能以寸。夫國有統家有宗。嫡長子承王者之統。其次適爲族人之宗。故宗法爲卿大夫公子設耳。君統九族不爲九族宗。何也有位則統無位則宗。君不與族人爲宗。懼褻尊也。小宗可以絕大宗不可以不世。故以小宗後大宗而禮又謂適子不得後大宗。若國統絕而立君。寓立賢之意。不必論其行輩。雖從

祖伯叔皆可雖適子亦可繼統與後宗原不同條也
子云上以興世子入繼武宗之統非繼武宗之嗣其
言精矣天親不可以人爲父改而稱叔姪改而稱子
非天叙之典也鐸謂皇上承遺詔遵祖訓兄終弟及
之文可謂正其始矣其繼武之統以主宗廟之祀非
若宗法必爲之後而後得奉其祀者故以倫則武宗
兄也孝宗伯考也以位則皆君也皇上以弟代兄以
臣道事先君豈不名正言順何必考孝宗而後爲繼
耶但既考獻王後必有稱宗入廟之事子當豫發其
議以爲之防杜小人逢迎之隙乃爲以道事君者耳

璵亦采用其言大禮既定鐸又貽書曰閣下以一人
挽天下已成之議可謂得行其志矣而禍流縉紳國
之元氣從此傷焉今惟勸止召還議禮諸人養以和
平之福斯爲克終其美若直情任之則申商之續矣
璵不能從遂至爲世大詬鐸與王守仁同鄉而不宗
其學與張璵同欲考獻王而不因以取高位世稱其
能獨立焉

景暘字伯時儀真人父宣徙家上元暘生而警敏有
度量父爲廣東布政司紹磨隨之官布政使劉大夏
一見器之曰端人也正德三年舉進士第二人授編

修賜丰采峻潔劉瑾陵轢朝士見者無不重足屏氣
其不爲屈者獨何瑋崔銑呂柟及賜而已入教小內
豎害嘆曰君子無棄人矧此輩近君者耶每引古誼
諭之於正九年秩滿會司業缺員大學士梁儲謂賜
曰編修三考當進侍讀今國學非君不可如何賜曰
朝廷官人因材而使敢自擇耶遂除司業與六館諸
生講說不避寒暑典簿念賜貧給官廩私益其斛賜
知之歸所益米切讓之曰若奈何汚我越二年請南
便養改左中允掌南京司業內艱去嘉靖三年服除
北上行至儀真病卒其地即賜始生處也賜爲人篤

於孝義母目盲百端治之不效旦夕禱於神一日母忽失故疾雙瞳炯然友人張貢見賜女欲與婚未聘而貢卒賜哭曰曩業心許之敢負吾友乎竟歸其子居官清約過甚每入署乘一牝羸觀者皆訝之賜自若善行書尤精小篆詩文蕭散有致在館職以不獲裨益時政作自罰文刻意砥礪及卒人皆惜其才未竟云

邵銳字思抑仁和人正德三年進士時劉宇用事欲私其子仁爲翰林而難於獨授以銳與黃芳名在仁前銳又舉會試第一欲藉以塞清議乃言於劉瑾取

中旨並三甲前列者李志學韓守愚五人俱授爲庶
吉士銳雅負志節恥不欲就兄欽勸之曰會元得館
職亦常分公議自在庸何傷銳乃就職踰年授編修
瑾誅除仁名謫諸傳奉者於外並及銳八年補寧國
推官銳念向者執之不堅慮爲終身玷乃刻意奮厲
以嚴苦自持日食惟菜羹糲飯遇獄訟不得其情不
止屬縣有大姓誣人以盜縣已納其賄鍛鍊成獄銳
疑焉立往按出之斥罷其知縣居三年名大起遷南
京吏部主事調禮部員外郎引疾歸用薦擢江西僉
事進福建副使俱董學政令諸生誦習白鹿洞學規

凡守身處事立言悉奉以爲則非是者即麗於罰念
建文朝忠臣湮沒命分宜祠祀黃子澄漳州祠祀陳
思賢伍性原陳應宗林珏鄒君默曹廷瑞呂賢其他
先賢祠墓悉爲修復嘉靖初遷湖廣叅政歷河南按
察使廣東山東左右布政使皆有惠澤比去民未嘗
不涕泗追送十一年入爲太僕卿尋得疾告歸以門
蔭昇兄子卒之日橐無餘金田不及百畝詔贈右副
都御史以篤學有行特諡康僖銳平生恥近名學以
程朱爲鵠所與切劘道義者同邑胡世寧崑山魏校
永豐夏尚朴而已先與桂萼友善及萼爲相貽銳書

不荅見世宗政尚操切朝士爭務爲嚴苛抵書世寧
曰大臣欲有爲於國必援引善類布列朝端俟君志
大定國是不淆然後講興革之宜酌損益之道寬裕
從容乃克有濟不則將有異議乘之非惟無益且啟
不靖而黨事日滋矣其深識遠致類如此

余本字子華鄞人正德六年進士第二授編修九年
乾清宮災詔羣臣陳時政闕失本言頃者大學士楊
廷和給事中呂經等所奏切直可施行乃陛下僅付
所司豈以是爲無裨於政無感於天乎天之於陛下
猶父之於子也使爲子者不能享有成緒淫朋是溺

嬖遊是縱則未有不加譴怒者以斯而觀天之降災
不可謂無意也祖宗以來動有常經今陛下視朝月
不二三經筵間歲一舉司香之禮廢絕不行宮禁之
中出入淆亂是尚爲能守祖宗之法乎願陛下敬天
之怒法祖之憲意思改過無忽諸臣所言䟽入不報
以便養乞近地儒學官乃出爲廣東提學副使潮州
有妖巫惑衆本按誅之毅然以釐俗作人爲已任性
觝牾不能容物遇事有不可報義形於色或面折不
少假借以是與巡按御史毛鳳積不相能鳳貪黷多
入部吏金錢本䟽發其事鳳亦詆本詔俱回籍聽勘

鳳竟以不謹落職本久不赴選至嘉靖六年始起山東副使仍視學政尋擢南京右通政卒官本清修實踐於宋諸大儒之說無所不研究而尤篤信正蒙故其立言制行一以張子爲法性至孝嚴於取友遭母憂居倚廬終喪如禮少入府學諸生多譴笑有二人者正襟坐廡外本趨問姓名則聞淵汪王也遂與結契又與張邦奇王應鵬善日以道義相劘切後淵邦奇爲尚書王應鵬爲都御史皆聞於時論曰彼庸庸者流無論矣士君子苟才氣自負爲世賢豪而非淑於先王之遺教則任情而往鮮不漸隣

於偏畸以云蹈道洵難矣寶廉教子充養薰陶皆有
得於聖賢之彝訓故其志節丰采彪炳一時而畧不
見有亢悠矯拂之迹蓋學問以變化之爲功也然則
人惡可以不務學乎哉

史卷二百五十六

列傳 百七

曹鳳孫

字

忠猷

信李貢兄贊

王雲鳳

陳

恪張

康李堂

張津

張淳

吳世忠

王

王曾孫有功

王純

曹鳳字鳴岐上蔡人成化十七年進士除祁門知縣

弘治初用廉能徵拜御史多所論建嘗奏事失儀孝

宗曰此佳御史特宥之出按江北時兩畿及河南皆

災所司徵租如故又下從民治河勞費甚鳳以為言

並得減免公不蘇州府俗事五道神每禱祠輒擊牲

舉樂謂之恭延費甚鉅鳳禁之焚其廟像巫覡尼師
不得出入士人家置之塚禁火塋喪家例出資界予
客號曰貼轎船銀貧者以故喪不時舉鳳命罷之裁
定婚喪禮使無奢越善政甚著十五年大計群吏吏
部舉天下治行卓異者僅六人鳳與焉歷湖廣右布
政使正德一平擢右副都御史巡撫延綏鳳雅操方
正數與鎮守中官劉保忤拜疏乞歸不許其冬召理
院事未上以憂歸劉瑾銜鳳不通饋問責以淮任後
期罷之復擬延綏錢穀事罰米千石輸塞下鳳憤悒
無疾卒孫亨字伯貞嘉靖十四年進士授刑部主事

歷郎中權責請託皆不納遷兗州知府討平郅內積
盜政嚴治肅課為山東冠遷湖廣副使逮王憲燬素
驕恣悍亨為欽哉歷湖廣右叅政穆宗立擢右僉都
御史巡撫保定時有寇警亨中夜從十數騎疾馳出
郭立馬風雪中頃之諸將追至亨曰吾年六十老矣
猶思殺賊將軍輩不努力何以自解諸將慚謝因奮
槩賊破之龍泉關外時議修鞏華城當發所部民赴
役亨慮妨農請量輸產直民便焉隆慶元年召為兵
部右侍郎協戎政遷南京右都御史就改工部
尚書纖造十巨劉安冒走經費萬餘兩欲歲以為例

亨怒劾之。帝命奪俸三月。亨度志終不得行。遂致仕。歸。萬曆中。遣官存問。年八十二卒。

燕忠字良臣。蘇人。成化二十年進士。授常州推官。再任。寧國。民有賈於江淮者。為其僕所戕。罪人久不獲。忠密廉得之。遂伏辜。弘治中。推御史。嘗因災異上言。近冗官日衆。土木日興。莊田撥賜日廣。而奔競無耻之徒。充列庶位。迥與初政不侔。請勅吏兵二部。凡乞恩傳奉。不由資格功勳補授者。悉為澄汰。帝不能從。出按陝西十四年。秋。寇大入靈州。花馬池直抵環縣。寧夏固原兩鎮守臣弗能禦。且不以實聞。忠白發其

狀於是巡撫王珣周季麟總兵官郭鎮鄭英鎮守中
官張閻劉雲俱被詔責讓載罪辨賊擢陝西副使整
飭環慶兵備會都御史楊一清修舉馬政議擢監司
有聲望者為苑馬卿遂以忠任之正德初就拜陝西
按察使發奸摘伏吏民皆驚進左布政使安化王寔
鐸反盡餉有勞一清時為總制疏薦之擢右副都御
史巡撫宣府數月遷大理卿知府田崑為人所訟武
宗怒將寔之重典忠屢疏為辨竟得釋御史胡止寄
極詆忠詔忠臥狀忠辨之強帝察其誣不問吏部兩
薦為侍郎不報或諷少貶求進忠不從十年卒所司

奏忠剛正得大臣體特贈刑部尚書與忠同里同舉
進士者歐信字季先初除戶部主事奉命賑京西活
饑民萬計進部中督餉大同增置倉舍乘粟賈賤糴
之不三歲贏五十餘萬石劉大夏巡視歎曰使與儲
者盡歐部中吾何為此行哉奄人樊得趙宣言保定
河間有隙地可作重莊信往勘力白其妄通止歷河
南左布政使正德元年擢右副都御史巡撫大同信
器局峻整有幹略訓兵練武鯨鯢悉死政諸廢漸舉以
各城守將率營求得官不任禦寇請預簡都指揮以
下程其才力為差等以次用之議格不行

李貢字惟正蕪湖人成化二十年與兄贊同舉進士
並有時名貢授戶部主事弘治中進員外郎浙東水
奉命往視蠲其賦十五歷刑部郎中岐王府僚交訟
不決勅貢往逮平其獄用薦擢山東副使正德初歷
山西左布政使府縣靡費無經貢命各立民膏簿以
稽出入費用大省時劉瑾亂政巡撫官去留惟意四
年中旨罷遼東巡撫劉璈擢貢右副都御史往代錦
義二城戍卒以失屯地謀亂貢撫定之檄諭北部使
入貢還徵以寧故事都御史位總兵左而是時都督
李璡黨瑾欲以氣勢出貢上貢不為動數裁抑之璡

怒譖於瑾會大同守臣劾有司稽違餉瑾謂貢嘗官
山西罰米五百石勒致仕瑾敗起撫順天霸州賊劉
六等起貢繕城賑饑奏設兵備憲臣民恃無恐既而
他部軍有掠賊墓擒其孥者賊憤圍霸州三匝貢督
兵扞之數晝夜乃退遂自劾求罷不許賊黨有出入
豹房者每師出輒傳泄燕山衛卒王宣與其子欽等
尤與賊善嘗資以兵器貢覺捕之宣脫走獲欽等送
京師賊乃不敢復北通州舊城數苦水而新城又旱
貢請修新城立舊城水閘以時啓閉民便之古北口
常邊衛遇潦輒不可守貢度隙地築石墻百餘丈患

乃息八年召為兵部右侍郎力辭不就許致仕居三年卒贊字惟誠釋褐為吏部文選主事進考功員外郎改兵部進郎中順天民地多并入勢家獨計口受馬責駒民甚困尚書馬文升屬贊經理贊善勾稽盡復民業歷浙江左布政使故副都御史錢鉞錢塘人也嘗撫河南崇府歲祿萬石例給米十之一餘皆予稷鉞以紅粳土產多給三千石遂相循為故事至是劉瑾以為鉞罪追坐之辟繼鉞為巡撫者皆罰米而籍鉞產械其家屬六十人赴京贊憫無辜為之流涕保護其家瑾聞而怒後吏部推贊南京太僕卿遂勒

致仕常賊盛時京師多伏奸王欽等已寘獄奄人猶庇之欽屢疏訟寃兵部尚書何鑑執不可乃詔法司雜治遂論死戌其親黨又有通事王永得幸於帝賊齊彥名賂之嘗托名永弟引入豹房見帝經宿乃出都人謹言永為賊內應帝不知也

王雲鳳字應韶和順人父佐南京戶部尚書雲鳳弱冠舉成化二十年進士授禮部主客主事憲宗弗豫用故事齊醢雲鳳言於尚書周洪鎮曰非禮也請為壇於南郊大臣率其屬三日禱乃可時不能用弘治九年再遷祠祭部中請天下府州縣學校悉立名宦

鄉賢祠遂為定制副使楊茂元言事得罪抗章救之
中官李廣假左道誘帝請斬之以謝天下由是直聲
震於時先後多論建又數代尚書條奏帝亦識其名
而廣憾之不置會駕出南郊視牲雲鳳乘馬駕後廣
遂構於帝下詔獄謫陝州知州為政務鋤豪強扶貧
弱時輔以經術威惠大行廣死擢陝西提學僉事誨
諸生規條甚併而以嚴行之士咸畏服正德初歷山
東按察使所至皆以嚴著毋喪去官遭劉瑾羅織罰
米千石餘家遂罄服除張綵薦於瑾起國子祭酒雲
鳳故性剛負氣好以威懾衆及是見國舉教弛並滋

之以嚴急又惡諸輸粟入監者蓋少不學請自年二十
十四以下悉遣還籍與諸生同考較由是謗議紛起
雲鳳雖由瑾進用瑾顧不甚喜有司務孫聰者瑾妹
壻也還鄉雲鳳餞之郊外聰時已失權於瑾瑾語人
曰聰何人士大夫至郊餞祭酒人師亦當爾否雲鳳
嘗欲更六堂名令諸生讀小學瑾怒曰雲鳳亂成制
欲代邢讓死耶雲鳳求去不許會瑾誅言官劾其黨
瑾遂乞休乃改南京右通政謝病歸楊一清為吏部
素知雲鳳起右僉都御史巡撫宣府力辭不允在鎮
數月踞屢上如建儲及免調邊軍皆國家大事父喪

去起故官督兩浙鹽課再疏辭免未幾卒妻子不免
凍餒雲鳳為祭酒時或言其媚瑾請列瑾所行新例
為後世法又請瑾臨視國學如唐魚朝恩故事由是
言官風聞論列至詆為五經掃地然雲鳳素負重名
賢士大夫多稱之所詆不無失實云

陳恪字克謹歸安人成化末進士授宿松知縣募民
墾荒得田四百九十二頃粟二千七百餘石悉以償
虛賦又以湖池利予民積穀三萬二千有奇修塘堰
數百區以待凶歉由是逃亡歸籍者五百餘戶弘治
中徵授御史出按貴州賊婦米魯叛劾奏中官楊友

總兵官曹懷以下十餘人詔俱戴罪辦賊帝道中官
孫叙鎮金盞恪請停之再按畿輔責豪歛手正德元
年遷江西副使整飭南贛兵併節制嚴明長河諸賊
聞風遁去以冗員例革劉瑾摘其為御史時事除名
復據江西事逮問瑾誅以故官涖貴州平西賊阿雜
等為亂偕僉事陸健督兵討之俘斬十餘級進按察
使歷江西左布政使屢忤寧王宸濠至逮其胥史恪
不為動九年奉治行車異明年以右副都御史巡撫
南贛旋入為大理卿恪居官務盡職不矯為名性篤
實和易而中有定守為大理二年卒官天啓初追諡

簡肅同縣張廉字孟介成化初進士由刑部主事歷
江西副使賊盜廣信永豐銀礦吏不能制廉曰賊所
以逞者利故也使其中無可欲彼豈樂就死哉遂命
塞之賊解散轉貴州按察使誅印江豪酋置縣治吏
民稱便就遷左布政使與征都清苗寇有功弘治九
年以右副都御史巡撫其地廉以屬府黎平僻遠與
湖廣五開銅鼓衛相錯有事多牽掣請悉聽湖廣兵
備憲臣節制又奏削鎮遠土官置縣如印江皆從之
廉勁直有守好面折人過以是多忤物被劾歸

李堂字時升鄧人成化末進士授工部主事權蕪湖

閩中使宋昂以採木至勢甚張堂語昂木非中程毋
擅取昂不敢肆所徵足額而止遷郎中清寧宮災孝
宗以太皇太后寢室手勅亟營之堂計費請發內帑
勿累民旦先役者入募出後之手指筆記不假吏胥
既訖事所費贏十之三督工大臣交薦之中旨優擢
京職崇熙辭給事中周璽亦言傳陞漸及正室不可
為訓乃增秩二級越二年擢應天府丞隣境建平大
饑民相聚掠斂或請加兵堂不可急調近縣粟以濟
單騎諭之曰若奈何以敕生故徒死地衆感泣解散
僅捷為首者數人而去歷南京光祿卿正德四年進

右僉都御史提督操江召為工部右侍郎明年河決
汴徐命兼僉都御史往治之堂條上方畧謂河自蘭
陽儀封考城以南故道淤塞其流俱入賈魯河經黃
陽岡至曹縣勢甚瀾漫衝梁靖楊家二堤決口濟曹
單民田前侍郎崔巖亦長修濬緣地高河澁隨濬輒
淤水殺不多而決口難塞今觀梁靖以下地勢最卑
故衆流奔注成河直抵沛縣凡河流故道皆湮况河
勢北徙有如建瓴不但直趨梁靖其黃陵岡上下及
杜勝集縷水堤俱受衝噬水行堤上抵安平鎮甚近
就使梁靖築成而納流無地必迴激黃陵堤岸于運

道尤可慮也。今欲起大名三春柳地訖沛縣飛雲橋止築堤三百十里防河北徙。庶保運道無虞。詔從之。明年又奏銅瓦廂等堤岸崩阨。陳橋集等長堤減薄。請設副使一人專理其事。部議以河南災荒盜起宜併力速障決口。餘不急者須後。遂召棠。遂止。以副使領之。未幾被論致仕。遂鏡戶纂述十餘年卒。曾孫康先進士。崇禎時系官禮部尚書。

張津字廣漢博羅人。成化末舉進士。除建陽知縣。歲凶多方賑恤。民有負官租鬻妻子者。為之代輸。築城郭。遏竈盜。建朱熹蔡元定諸賢祠。置祭田。畀其子孫。

治弊大起以憂歸起補大鴻臚拜御史弘治十四年
冬吏部缺尚書廷臣已推馬文升閔珪而津乃偕全
官文森曹大有請用致仕尚書周經兩廣總督劉大
夏忤旨下詔獄賴給事中許天錫御史袁經等論救
得釋已上言通者陛下延訪大臣而庶官不預非所
以明日達聰也乞命卿佐侍從及考滿朝覲諸外僚
咸得以時進見通達下情又言諸馬房雜畜耗費不
貲頃從言官許天錫請已命送光祿備用而中官黎
春乃奏止之是詔令不信於天下也乞仍如前詔便
得旨下部覆核而帝崩武宗嗣位部議如津言於是

濫費並省津尋出按廣西總鎮中官韋經赴召擅移
牒索官帑銀津劾奏之預平富賀賊被脅士為泉州
知府坐嘗奏舉雍泰為劉瑾所惡劾為民瑾收起寧
波知府津廉謹習吏事所至政有異迹尋遷山東左
叅政正德八年擢右僉都御史提督操江居三年進
右副都御史巡撫應天諸府馳疏請建皇儲所部水
旱請停織造及車駕北巡疏言今天變民窮兵戈水
旱所在而有乃陛下微服跨馬直抵居庸何輕身至
此萬一肘腋變生衝縶患起噬臍何及昔太宗北征
有仁宗為監國宣宗時巡有英宗居青宮今之代理

萬幾視膳兩宮者誰也皆不報浙江孝豐民湯毛九
訴忝四等並居深山侍宗強橫行州里有司追捕急
輒號召宗人持挺闖每至殺傷積二十年莫能制至
是鎮守中官王堂等以聞詔津託他事赴浙密調兵
討之兵猝至俯不及設咸就縛獄具坐死者九十人
戍及徙獲百餘人加津戶部右侍郎巡撫如故帝自
宣府還後欲北幸津疏切諫不報卒贈南京戶部尚
書

張淳字宗厚合肥人成化末平進士弘治中以瀏陽
知縣徵授御史偕給事中周旋出勸牧馬草場見近

畿州縣並有仁壽宮皇莊請罷之以並牧地議雖不
從皇莊所侵據者緣是悉還之官出按貴州擒叛苗
普安阿保父子撫其黨五十九峯皆籍為編氓轉吉
安知府俗好訟蔓引動數百人浮泣以嚴明訟遂衰
止豪猾屏息版籍多清亂浮為釐正役均禁絕府故
有堂食錢浮悉以給公歲省民數十金民為立祠正
德初擢四川副使備兵松潘與平叛番召拜南京太
僕少卿遷應天府尹多惠政士民賦京兆十思歌之
八年以右副都御史撫治鄖陽時四川賊麻六兒等
新敗疏請盛兵房竹以防奔突已而賊果至淳率將

吏逆繫賊不得入還向川來為總制彭澤所殲其冬
改撫保定淳為人剛果居官素清謹至是行部頗寄
耳目於下為所欺於是給事中李陽春御史周全南
京御史鍾曉等先後論列遂引疾去然其治吉安應
天時論終亟稱之

吳世忠字懋貞金谿人弘治三年進士授兵科給事
中五年兩畿及山東河南浙江民饑有詔賑恤所司
俟勦覆不時發世忠極言其弊因條上興水利復常
平二事多施行已請恤建文朝殉難諸臣言文皇帝
之靖難武王之心天下之大權也方孝孺諸臣之盡

節夷狄之志天下之大慮也。微大權天下之民命不
立。微大慮天下之臣節不明。二者固不相悖也。況父
皇嘗謂練子寧若在朕園嘗用之仁宗嘗謂方孝孺
革皆忠臣。是二聖已漸雪其罪矣。乞特賜爵謚崇以
廟食。且錄其子孫。優其族屬。為人臣忠義之勸章。下
禮官。寢不行。尚書王恕被訐求去世。忠上疏請留。考
率侯張鶴齡請勘河間賜地。帝達之。其母金夫人請
不已。乃命遣使世忠言侯家仰託肺腑。蒙慶靡涯。豈
宜與小民爭此尺寸。今部勘未已。內臣繼之內臣未
已。大臣又繼之。鼓行千里之內。蹂躪三邑之郊。剝民

敵怨非國家之福尤非外戚之福也不聽十一年大
同總兵官神英副總兵趙昶等因馬市令家人以達
禁綵繒易馬番人因而闖入私易鉄器既出塞復潛
兵入掠蔚州陷馬邑轉剽中東二路英等擁兵不救
巡撫劉瓛鎮守中官孫振又不以實聞事發世忠往
勘具得其狀于是英落職瓛振召還昶及游擊劉淮
叅將李興等俱逮問已而瓛改大理少卿昶以大理
丞吳一貫覆讞僅錫級世忠復極論瓛罪且詆一貫
帝皆不問闕里文廟災陳八事請起用謝鐸陳獻章
張元禎周瑛而召還王恕戴珊何喬新劉大夏時不

能盡用十三年寇犯延綏大同世忠上言國初設立七十二衛軍士不下百萬近禁網日疎軍政日壞假令大寇壓境簡擇精卒卽欲得一二萬人猶不可致此兵足憂也太倉之儲本以脩軍近支費日廣移用日多倘興師十萬欲犒賜取給其可得乎此食足憂也正統己巳之變擇禦者尚有石亨楊洪諸人通者賞罰不明人莫自奮所用李果阮興趙昶劉淮之屬先後皆敗今王璽馬昇又以失事告矣苟臨大敵何以待之此將帥足憂也國家多事賴大臣有以鎮之通者忠正多斥貪庸獲存既鮮勸之才又昧去就

之節而欲其懾強敵壯國勢何可得也此任人足憂也百年以來數遭邊禍而國統無恙由民心未離也通者政多舛乖民日咨怨京軍敬於力役京民苦於催科畿甸之于人君親恩尤切顧使不樂其生至此尚望以臨難死守乎此民心足憂也陛下故事上帝而天變屢徵火患頻發雲南地震摧壓至萬餘家大同馬災踏斃踰二千匹此天意足憂也陛下以為安耶危耶伏願順好惡以收人心肅念慮以回天意遣文武重臣經畧宣大以飭邊防策免諸臣不肖者而起素有才望如何喬新劉大夏倪岳戴珊張敷華林

後諸人以任國事則賊將望風遠遁而邊境可無憂
矣帝以言多詆毀切責之尋乞大同增置堡以閒
田給軍耕墾不徵其稅江西歲饑盜起請簡巡撫點
有司貪殘者又請築京師外城所司多從其議再遷
吏科左給事中擢湖廣叅議銳意祛弊豪猾斂跡先
是奸人劉應龍殺其族屬五人厚賄胥吏清其案獄
久不決給事中張九叙等疏訊始伏辜於是御史李
天賦等十四人皆獲罪世忠亦坐降山東僉事旋召
為光祿少卿改尚寶卿劉瑾遣官清覈屯田命世忠
往薊州時清屯者務為刻急迎瑾指還東因之致變

惟世忠獨濟以寬近幾賴之未幾瑾敗言官劾瑾黨者頗及世忠而世忠故方鯁朝議白其誣乃免再遷大理少卿正德八年擢右僉都御史巡撫延綏寇在河套出師逐之失利乃引疾歸世忠有文學居家以孝友稱

王哲字思德吳江人弘治三年進士擢御史清軍福建尺籍多隱漏哲嚴核之得軍歲千計民被誣為軍至百餘家淹繫且經歲哲一訊出之十年按廣東劇賊陳光等流劫新會束莞哲盡方畧遣將平之南海十三村民數為盜鎮巡官議加兵哲曰是不下萬餘

戶獨無一良民乎率廣州知府林泮詣其地諭以禍
福皆感泣從命為立里正約束之自是遂靖南土罪
人當發口外為民者跋涉萬里且風土不宜多致死
哲請改發近地為軍兵部言充軍之罪甚於遷徙今
憫其速移而改令充戍恐未愜人情請願者聽之不
欲毋強制可十五年按江西鎮守中官董讓怙勢為
虐哲疏發其奸讓亦計哲擅作威福凌侮鎮臣帝為
遣使按問卒直哲讓亦置不罪時天大旱哲親錄囚
出當原者數百人翌日雨歲大稔民有女奴逃其掣
陷以故殺獄既成哲使人廉女奴獲之白其寃有大

家被盜誣其怨家賂鎮守論死哲訊釋之鎮守怒其
後果得真盜民為之誣曰江西有一哲六月飛霜雪
都御史林俊來巡視欲用一廢弁而其人故以販黠
哲不可俊怒語侵哲哲徐語三司曰林公名臣何有
執法必中果未詳乎今再具本末上之俊果悟罷其
人弗用而以哲為賢遷山東副使有外國使入貢私
市鹽哲謂不治則廢法治之非所以柔遠乃沒鹽於
官仍給其直人以為得體中官王岳范亨忤劉瑾被
竄道死臨濟哲為治棺歛或諫不可弗聽歷南京右
僉都御史領操江正德五年江西盜起命往巡視俄

改巡撫姚源賊江澄三等閑安仁哲偕中官王嵩等
會軍三萬討之軍多後期且營泥淖間賊乘隙發伏
官軍擾亂死者無算通判梁金等皆死事聞召哲還
方候代寧王宸濠惡哲不附已召飲中以毒因得疾
歸家逾年卒曾孫有功萬曆中進士由遂昌知縣擢
御史屢疏請建儲視朝語皆切直出視陝西茶馬時
西陲用兵劾經畧鄭洛因陳諸邊利病改按廣東益
厲清操還朝值神宗以軍政事譴謫兩京言官有功
亦坐削籍天啓初贈太常少卿

王純字希文慈谿人弘治六年進士授南京大理右

評事進左寺正用侍郎楊守趾薦擢江西僉事瑞州
盜起殄滅之正德初以河南副使飭潁川兵備尋改
廣東父憂歸劉瑾亂政有上馬奸民訐其鄉致仕侍
郎黃景僭踰不法瑾遣官就訊逮繫數百人雜治經
年無所得坐景家所樹坊雕鏤龍鳳遂籍其產誦景
及家屬五十餘人戍邊江西諸司悉罰米五百石純
亦被罰輸邊服除改雲南金齒兵備七年入為大理
少卿讞獄多平反吏部主事梁穀素無行妄言鄉人
袁質趙巖等謀反詞連魯府歸善王當渰兵部尚書
陸完信之而羣小幸功者欲張大其事因以取封爵

乃遣總兵官劉暉等發兵駐四路觀變而令純偕中
官溫祥錦衣指揮韓端即訊至則當泣方醉卧與質
等徒手就縛純訊無反謀力持之但執諸人送京師
事遂解十年遷右僉都御史巡撫宣府帝從江彬言
將于宣府建行宮純抗疏切諫寇入龍門雲州純劾
奏諸將失事者並及分守中官郭原等數人有詔諸
將逮治原等不問明年寇六萬騎入掠總兵官滿浩
等屢敗純自劾求罷詔戴罪辦賊已寇益深入殺掠
至三千七百人兵部及言官數請罪純及中官于壽
紹侯事寧按治已純與壽忤謝病歸而其失事費由

衆寡非敵遂不竟其罪純為人教朴歷官以清白聞
論曰天之生材不偶往往莫能見用或用矣亦必有
所未盡則其時為之也况于權閹奸豎布塞要津士
大夫幸存其間亦僅而獲免而猶望其大行得志豈
不難哉觀正德時卿貳諸臣遠邇以且不啻滿羊之
觸亦可以知世變矣

明史卷二百五十七

列傳一百八

劉

王

祖廣衡

劉

瑞

趙

佑

朱廷恭
徐鉉

陳

琳

王良臣

湯禮敬

萬

萬

王

渙

潘希魯

葉

劉

程

唐

毛思義

胡文璧

何

紹正

陳
昂

賀

泰

張天麒

璞成文

張

芹

李

翰

張經

成文

張

芹

劉玉字成栗萬安人祖廣衡永樂末進士正統間以

刑部郎中出修浙江荒政積粟數百萬且督有司治

陂塘為旱澇倚景泰初歷左副都御史鎮守陝西請

令戶部凡遇災傷毋俟勘報即除其賦庶有司不得

倚覆核陰行科率從之己兼撫福建浙江建議創壽
寧縣於官臺山以清盜窟討平處州賊祝岳二而還
廣德坦夷通敏以廉節稱王登弘治九年進士授輝
縣知縣歲饑不待報發粟賑貸上官遣使覈之民爭
歸粟王不可曰是再累民也上官愧而止邑患虛稅
民多流亡王奏蠲之復案者千家召為御史十六年
冬中旨以指揮胡震為都指揮分守通州王抗疏曰
臣聞律門一啓則群枉並進近孫伯堅等既以傳奉
而列文階金倚等又以傳奉而擢武職傳奉不已繼
之內批始則以王寧倚倭登州今則以胡震分守通州

視祖宗成制陛下初政豈不矛盾哉昔明主停針封
而致開元之治仁宗收內降而臻慶曆之風陛下聖
明行此何難乞罷點寧琦伯堅等置震於理杜絕內
批禁止傳奉無羣邪屏跡銓叙一清不納武宗卽位
甫四月災異迭見王陳修省六事出按京畿中官吳
忠奉命選后妃大肆貪虐王舉奏之不問既而劉健
謝遷罷王馳疏言劉瑾等佞倖小臣巧為戲弄不遵
投陛下之一笑而不知耗神氣惑聰明妨政理為損
多矣願又惑讒邪而棄輔臣此誠亂危所自起胡可
不懼况今災變頻仍白虹貫日彗見紫微之宮星搖

天王之位海內民窮財殫所在空虛陛下猶不改圖
方且厭老成而樂私昵耽逸豫而忽萬幾欲天下無
殆其可得哉且天下大器也衆君子持之不足一小
人壞之有餘今二臣既去則君子之勢益衰群佞不
除則小人之黨益肆乞置瑾等於理仍留健遷輔政
不報王遂引疾歸後瑾榜王奸黨復誣搆其罪罰輸
粟塞下者三最後逮繫詔獄削籍放歸瑾誅起河南
僉事遷福建副使督董學政召為大理少卿有囚呂
莒強義引盜劫其父兄皆受傷刑部以莒卑幼擅用
財律義弟毆兄律王引義同事謂叔父叔兄此窮兇

也視爲父毆兄爲甚余何予輕此由是二人皆從重
論正德十五年擢南京右僉都御史提督江防宸濠
反攻安慶王以舟師赴援事定改撫鄖陽世宗卽位
召爲左僉都御史論遇亂功進右副都御史嘉靖元
年改左三年歷刑部左右侍郎王初偕九卿爭興獻
帝不宜稱皇及帝欲考輶帝又偕廷臣伏闕哭諍以
大臣得不罪六年秋坐李福達獄削籍卒於家王秉
正嫉邪厲清節家居僅庇風雨好學不倦天文地理
兵制刑律皆有論著隆慶初贈刑部尚書謚端毅子
懋南京工部右侍郎歷官亦有聲自廣衡至懋四世

通顯為江右望族

劉瑞字德符內江人父時穀仕終山東僉事以廉惠稱瑞舉弘治九年進士選庶吉士授檢討瑞好學潔修志在君民遇事輒有論建清寧宮災疏言陛下遇災而懼既竭誠祭告乃復祈禳紛然非應天之道也願罷齋醮一意內修時召內閣講官從容延訪俾教陳治道故閣李廣門下內臣宜悉加罪為近習戒前太監汪直先帝罪人今茲之來親覲復用當斥而遠之副使楊茂元郎中王雲鳳以直言獲罪宜召復其職此年土木大興在京師者萬春宮毓秀亭興濟真

武廟壽寧侯第在外者興岐衡雍汝涇諸府累歲經
年擾費不息今毓秀亭已闢撤毀願推行此指志罷
諸不急者都勻之捷都御史鄧廷瓚冒其功賀蘭之
征都御史王越啓其釁請勅廷臣追理正欺罔之罪
疏入命所司知之闕里廟成遣內閣李東陽祭告瑞
獻議請更定先師封謚不果行武宗卽位疏陳端治
本九事中請召用祭酒章懋侍郎王鏊都御史林俊
雍泰而趙擢叅政王綸副使王雲鳳僉事胡獻知府
楊茂元照磨余濂皆天下名賢也由是諸臣多獲進
用既而劉瑾肆虐瑞自知不免卽謝病貧不能還鄉

依從母子李充嗣於濮州瑾榜瑞為奸黨又以前薦
雍泰除其名劉米翰塞上坐是並因授徒自給瑾誅
以副使督浙江學校正身率物士風大振召為南京
太僕少卿嘉靖二年由南太常卿就遷禮部右侍郎
歲且盡地震十餘日雷電大作明年元旦地又震時
頻年旱潦江南北人相食瑞憂之偕同官條上六事
請發帑藏蠲逋賦廣賑濟修祭告謹戎備端大本且
言齋醮無益不可使妨政織造多費不可使病民帝
多納用之大禮議起廷臣得罪者接踵瑞曰吾儕位
大臣且禮官也敢隱默乎遂偕九卿合疏極言大宗

小宗之義凡數十言不聽四年卒官贈尚書蔭慶初
謚文肅

趙佑字汝翼雙流人弘治九年進士由繁昌知縣召
為御史正德元年六月武宗因災異下詔修省而耽
樂不恤政如故佑上言君德莫大於從諫臣罪莫大
於違君太監丘聚劉瑾馬永成輩日獻鷹犬導駢射
萬一有銜縶之變豈不為兩宮憂鎮守內臣鄧原奏
秀頗稱簡靜而劉瑾梁裕擯而代之戶部議馬房草
場居民佃種罪瑾竟自奏止李興擅伐陵木已坐大
辟乃欲賂左右祈免他如南京守備劉雲倉場監督

趙忠孝爲段循俱黃緣增設乞置聚瑾輩于法罷環
谷母達而汰革額外冗員自今政事必諮之大臣臺
諫不爲近習所搖則災變自弭奏入羣奄大恨帝將
太婚詔取太倉銀四十萬兩用佑上言左右近侍以
婚禮爲名將肆無厭之欲計臣懼禍而不敢阻閹臣
避怨而不敢爭用如泥沙坐致耗國不幸興師旅遣
饑饉將何以為計哉九月宛平郊外李花盛開佑奏言
李本春花乃開揉落之後秋爲金氣顧侵發育之機
此陰擅陽權非偶然也乞昭一德以對天地策三公
以理陰陽帝皆不納是時宦官並橫舉朝憂憤佑乃

與同官進賢朱廷聲江基徐鉉交章極論章下閣議
將重罪之事竟中變瑾既得志大遜廷臣忤已者指
佑與廷聲鉉為奸黨勒罷之瑾誅用薦起山西僉事
卒廷聲字克諧弘治十二年進士由行人授御史正
德元年尚膳太監劉杲以病乞改督京倉廷聲言倉
場冗員方議裁革不當復增以失信天下弗從尋上
疏請誅便佞遂得罪後起浙江僉事歷福建左布政
使嘉靖七年以右副都御史巡撫湖廣所部多蕩府
歲徵祿米於州縣頗受其害廷聲請易銀輸藩府毋
遣使督趣報可廷聲為人篤實有守民甚宜之入為

刑部右侍郎謝病歸卒銍字用孺佑同年進士授行人擢御史既劾宦監罷職歸官終四川左布政使與佑等同以御史坐奸黨者有莆田陳琳陳州王良吉六安滿鏜琳字玉疇與鏜皆佑同年進士琳由庶吉士改御史上端本修政十五事出督南畿學政劉瑾既逐劉健謝遷復逮南京科道戴銑陸崑等琳抗章言南京窮冬雷震正旦日食正宜修德弭災委心元老博采忠言豈宜自棄股肱隔塞耳日瑾大怒謫揭陽丞瑾敗稍遷嘉興府同知世宗即位累官右副都御史巡撫江西再遷南京兵部右侍郎卒良臣先佑

三年舉進士歷官南京御史十六年江北四府歲出
請蠲積逋停兩稅寬馬課恤流亡大發官帑賑貸俱
報可劉瑾之逮南京科道也良臣方清軍江西馳疏
請宥之瑾怒遽下詔獄廷杖三十斤為民瑾誅起小
吏副使終按察使鏜字宗節有孝行初為滿城知縣
以憂去裝不滿一車總知滑縣嘗正版籍與里胥誓
于社曰不公者神殛之踰月有抱牘跪廷下者曰某
某欺公作奸死于疫盡矣惟小人獨存乞正此籍人
咸嘆異焉用薦擢御史陳時務大計四曰審大勢權
時宜重將權倡士氣孝宗嘉納之正德初以論高鳳

為中人所惡無何傳忬指鐘黨附太監王岳除其名
八年起廣東僉事謝病歸

湯禮敬字仁甫丹徒人弘治九年進士授行人擢刑
科給事中十八年四月疏言陛下近日待貴戚過厚
用中官過盛冗食日多費予無節請如祖訓悉加釐
正徃戶部尚書侶鍾以財用不足庶陳害財之原大
學士李承陽奉使關里亦以民生凋敝上聞而陛下
未賜允行股肱大臣如此何況其他乞以臣僚所論
博節諸事盡見之施行毋為左右所搖有詔嘉納武
宗狎信群奄事嬉戲禮敬憂之正德初上言陛下踐

昨以來上天屢示災譴乃不聞克謹天戒惟走馬射
獵遊樂無度臣恐上天仁愛之心必轉而為震怒矣
頃四月中旬雷電兩雹交作當六陽用事之時而陰
氣乃與之抗豈非倖臣竊權忠鯁疎遠之應乎願陛
下宵衣旰食深絕盤遊聽政之餘留懷經史上凜天
怒下懲人窮勿謂細行可忽勿謂小民易欺動靜出
入悉由于正然後中外乂安至治可幾報聞兩廣總
鎮太監韋經既召還擅移牒索官帑銀六百兩巡撫
潘蕃更令有司增給之為巡按御史張津所劾詔以
為舊有募水手例置不問禮教言凡所謂舊例者或

祖宗所已行或臣僚所建白出自朝廷而頒之天下者始可謂之例也今此乃前任太監王敬巧立之名正朝廷所需禁革可反以為例而遵之乎况太監歸舟自取給郵遞何水手之募經貪恣無忌蓄承順失職皆宜寘之于理時經有內援竟不行禮敬既屢忤宦豎又偕九卿伏闕請誅八黨由是宦豎大恨時已遷刑科右給事中署科事會當朝審奏決囚之日有愬寃者宜屏勿奏瑾遂指為變祖制謫薊州判官同署名者呂柟陳寔劉澤咸等係既獲坐禮敬奸黨罷歸未幾年

萬嵩字鍾甫無錫人弘治十二年進士授行人擢禮
科給事中嵩為人謹飭致節槩居官思盡職出閩薊
州軍儲還陳禁餽遺抑權貴清冗種謹收納四事又
言邊方軍民田凡近牧馬草場及貴戚莊田者率為
所侵奪致困踣失所請嚴禁止有侵奪者悉歸之其
人帝皆報可武宗即位命巡視京營嵩以軍伍虛耗
請命所司上逃亡後占之數尚書劉大夏善之亟請
如其言于是閩實見伍止十一萬六千而駕前執事
凡四千餘人供內府諸監局者至三萬三千人皆嵩
剔抉宿弊占後者稍稍還伍因簡其精銳入團營操

練而中官勲臣皆不悅爲奏以八百五十人供駕前
執事用掌神機營惠安伯張偉阻之請毋簡本營五
千諸官軍而總督團營保國公朱暉掌三千營叢城
侯李璽亦言駕前軍少不足用爲等抗言內外管軍
諸臣假以執事隱占軍卒其弊百有餘年矣今幸聖
朝圖治積弊始消乃詔旨之墨未乾阻撓之章遽上
暉等但知便私不爲國計請正其罪大臣等亦以爲
言而中官監軍者懼失利共詭詞惑帝帝遂詔駕前
軍如舊中官魏興蕭壽等復請免錦衣衛司苑司役
軍八千人勿送操練帝以從之蕭復上章論列諸給

事中艾洪等及諸御史並請罪興等群奄激帝怒嚴
旨詰責於是左都御史張敷華上疏諫曰言官為天
子耳目宜誘之使言若震之以威壓之以勢將使忠
良短氣用言為戒非國之福也乞以洪等奏令所司
議行使天下曉然知陛下樂聞讜言帝竟不用也明
年六月以災異請出先朝宮人罷馳騁射獵日講求
經史因劾魏國公徐浦侵奪民產應天尹陸珩政績
無聞不納其冬偕九卿伏闕請誅奄監又明年遂指
為奸黨罷歸

王渙字時霖象山人弘治九年進士由長樂知縣徵

授御史渙性懇敢直諫數陳時政得失正德元年六月憤羣奄用事朝政日紊上言陛下臨御曾未踰年而災異紛然遷至南京則雷擊禁塙鳳陽則水濟民舍京師則星隕天鳴此皆至重至嚴之地而變異若此豈無故哉良由陛下耽于逸樂天特以此譴告欲陛下統業修省以祈永命也今乃忽不加省方且耽騎射娛鷹犬日與宦豎谷大用劉瑾輩嬉遊無厭軍國機務畧不究心臣愚不知其可也謹以應天要道五事為獻一勤政事朝講之暇宜日御便殿延訪公卿臺諫切劘治道二信詔令陛下登極詔書停織造汰

冗員禁莊田革添設守備內官皆仰承先帝遺意宜
斷在必行一公賞罰勦威宦官有犯宜付法司勘問
如律毋令其乞哀權門規圖倖免一絕內批一節財
用語皆懇摯疏入宦官咸切齒明年出視山海諸關
以疾謝事未行盜發其部內都御史劉宇承瑾風指
劾渙失報逮下詔撤杖之斥為民瑾敗諸忤瑾者咸
登用渙以大用革猶在事竟不獲起但復官致仕而
已予挺進士仕至湖廣叅政

潘希魯字仲魯金華人祖洪廣而僉事父璋陝西副
使希魯登弘治十五年進士改庶吉士授兵科給事

中武宗初卽位從中官王潤請以故太監汪直養子
鉅為錦衣鎮撫徽為總旗希曾疏言世祿以及子孫
鬼神不歆非類內臣本無後而強求世祿之恩養子
本異姓而欲冒他鬼之蔭人情國典其謂之何帝為
寢前命又因災變疏陳八事中言經筵講學圖治之
本於聖體未勞也若射獵遊戲使人心意惶惑形神
頽敝而又妨政害治陛下顧舍此而務彼何哉由左
右前後不得正人希寵尊非迷君悞國以至此乞放
鷹犬絕玩佚特簡內臣端謹者給侍左右而伴佞倖
不得近斯社稷之福也臣又聞國家必養廉耻之士

而後能得忠義之臣律例文武官犯公罪並許收贖
今廷臣小有過犯多受鞭笞臣竊傷之乞勅法司錦
衣自今非犯賊罪毋輒施行此所以勵廉耻而敦臣
節也疏入帝不省而宦官皆怒正德二年與御史劉
子厲數湖廣貴州軍儲時劉瑾大肆貪虐凡奏使還
者例要重賄有司為具厚貲賄瑾希曾却之曰吾忝
諫臣不能去君側奸反助之乎比還無所饋瑾大怒
責以察奏未明下詔獄考訊獲廷杖之斥為民瑾誅
起吏科右給事中使安南歷工科都給事中宦官請
營太素殿及天鷲房船塢希曾言違儲告置冗食日

滋山東河南近經兵燹江西四川未復瘡痍况今營
建兩宮大木採自遠方工料微徧天下若更興土木
民將何堪不報擢南京太僕少卿六年不調至世宗
踐祚始進本寺卿遷太常嘉靖四年以右僉都御史
巡撫南贛惠州賊賴青聚衆為亂希曾發兵平之既
而荆頭餘賊曾蛇仔等七衆並興為江廣患希曾發
諸路兵夾剿賊懼襲執通判董鳳鳴乞撫希曾曰此
賊緩兵故智耳且通判自債事不足恤督兵徑進大
敗之斬蛇仔俘馘千餘人餘黨悉平鳳鳴亦迭會遷
工部右侍郎賞不行七年秋總河侍郎盛應期以治

新河無功召還命希曾兼右副都御史往代至則相
度形勢疏言漕渠廟道口以下忽淤數十里者由決
河西來橫衝廟道口之上并掣牌河之水東入昭陽
湖致牌水不復南流而沛縣飛雲橋之水時復北湧
故也今宜于漕沛間加築東堤以遏入湖之路更築
西堤以防黃河之衝則水不散緩廟道口永無淤塞
之虞仍於黃河上流分濬趙皮砦孫家渡二舊支河
使二水兼通則橫流殺而運道可保無患詔從其策
遂自單至沛築長堤百四十餘里役河夫二萬未期
年工成帝嘉之增秩二級九年六月河決曹縣胡村

寺東廣踰三里東南至賈家壩入古黃河由歸德丁
家道口至徐州小浮橋入河其一決胡村寺東北廣
踰一里分二支東南支經虞城至碭山合古黃河出
徐州東北支經單縣長堤至魚臺漫為陂水旁谷亭
入運河而單豐沛三邑之河賴長堤迴障得無害其
後沙淤平滿民多耕作其間不復為沛曹志與人交
頌之希曾上言黃河由歸德至徐入漕者古道也永
樂間濬開封支河達魚臺入漕者以濬淺也自弘治
以來黃河改由單豐出沛之飛雲橋而歸德古道始
塞魚臺支河亦淤然以其出于飛雲亦可資以濬淺

以其逼近沛漕又恒有衝決沙淤之患今自曹縣之
決金河復其故道則患害已遠矣流達于魚臺則浹
潤無虞此漕運之利國家之福也帝悅下所司紀之
明年入歷兵部左右侍郎又明年卒希曾從學于章
懋言動有準繩居職務自盡恬于進取其議總統禮
與張璁輩合嘗作大禮論一篇然不以示人終身未
嘗附璁等希進同郡唐龍以刑部尚書歸里出入嘗
徒步或勸乘肩輿龍曰昔吾師章文毅公吾友潘司
馬咸若是我何敢違之司馬謂希曾也
葉釗字時勉豐城人弘治十五年進士除南京刑部

主事守正不畏強禦甫至見獄囚制于權要多久淹
悉按法出之守備中官侵蘆洲判歸之民應天諸府
災上荒政四事南京有獄會鞠京畿道大理卿魏富
居中丞江宗器居左刑部侍郎張撫顧居右釗言品
秩有定不宜紊越又言大理獄止應泰駁不常用
刑事下法司請悉從釗言遂著為令富等坐停俸釗
尋進員外郎武宗立應詔陳八事中言宣大被寇殺
卒幾千人而監督中官苗達等畧不介意方且妄報
首功乞即召還以俟勦決夫宦官與兵千古未見唐
始用之而宋社丘墟我正統朝用之而樂輿北狩可

鑒也。自今軍務請勿遣監督鎮守者，亦宜撤還。且國初宦官之設，悉隸之禮部，秩不過四品，職不過埽除。今請仍隸之部，易置司禮，俾供襍役罷。革東廠，移為他署。所左右不得擅權，而後天下可安也。時劉瑾等已用事，見劄跪甚憤，而劄又乞召還劉大夏、宥諫官戴銑等瑾等益怒，坐斷獄誣守備中官挾前憾奏聞，逮下詔獄，削籍歸。講學嶽麓石鼓諸書院瑾誅起，禮部員外郎朱聞命卒。學者祀之石鼓書院中。

翟唐字克佐，長垣人。弘治十二年進士，由壽光知縣召拜御史。正德四年出按湖廣，奏言四川賊首劉烈

僭號設官必將為大患而湖廣陝西壤地相接一入
竹山可抵荆襄一入漢中可抵秦隴今內外壅蔽而
獎諭切責率皆虛文宜切圖預脩之策時劉瑾竊柄
虐謾大張中外相戒無敢言時獎者而壅蔽之說尤
其所忌見疏大怒欲重罪之兵部尚書王敞瑾黨也
希指言今鹽滌宿弊當無壅蔽患而唐乃云然宜令
指實會瑾怒稍解乃切責而宥之久之遷寧波知府
有患政十年市舶中官崔瑄假進貢名肆漁獵民間
大擾唐裁抑之有奸民王臣者附瑄為淫虐唐聞執
而杖之尋病死其家訴于瑄瑄遂誣奏唐阻截貢獻

等殺所遣使帝怒遽下詔獄巡按御史趙春等交章
論救給事中范洵亦言唐素得民心被逮日軍民遮
道涕泣宜宥令還任皆不聽謫雲南嵩明知州再遷
陝西副使卒同時以忤中官得罪者又有陽信毛思
義來陽胡文璧臨桂劉天麒思義天麒後唐三年舉
進士文璧唐同年進士思義累官永平知府正德十
三年駕幸昌平民間傳言欲括婦女歛財物以充進
奉多驚疑避匿哭聲相關思義下令懸曉言大喪未
舉車駕必不遠出非有撫按官文書敢稱駕至擾民
者即治以法初鎮守薊州中官郭原以科歛虐民為

思義所按銜之至是以聞于帝帝怒立遣下詔獄胸
之半載法司常贖杖還職不從謫雲南安寧知州嘉
靖中累遷副都御史巡撫應天諸府思義優于才以
治辦聞文璧正德初由戶部郎中改御史出知鳳陽
遠天津兵備副使中官張忠督直沽皇莊緹群小牟
利商民失業文璧捕治之遂為忠所構械繫詔撤南
京給事中王子謨等言文璧清慎為民所戴宜釋還
職不報竟謫延安府照磨嘉靖初累官四川按察使
天麒為工部主事分司呂梁奄人過者天麒不為禮
且裁抑其所徵索其人怨之劉瑾遂逮下詔獄謫貴

州安莊驛丞無何卒嘉靖初復官予祭

何紹正淳安人弘治十五年進士授行人正德三年
擢吏科給事中中官廖堂鎮河南倚劉瑾勢作奸至
奏保方面數人且擅擬遷調章下吏部尚書許進等
不敢違紹正抗章劾堂專恣請明正其罪時瑾雖死
堂終以紹正言直責堂自陳而內甚銜之及冬坐頡
屑棄駕失儀杖之闕下謫海州判官累遷池州知府
修城郭治學校作新河堤置義塚又築銅陵五十餘
圩以備旱潦及宸濠反攻安慶池人震恐紹正誓士
民登陴固守事定增俸一級遷江西叅政致仕池人

為立祠與宋包拯並祀正德時言官忤權倖得罪者
又有陳鼎孟洋賀泰張璞成文李翰臣張經鼎字大
器其先宣城人高祖尚書迪死建文帝難子孫戍登
州衛遂占籍焉鼎舉弘治末年進士正德四年授禮
科試給事中廖堂弟錦衣指揮鵬隨兄在鎮鵬本福
建人其子鎰素不讀書有編修孫清者失官依鵬為
鎰代作文遂貢緣中河南鄉試物議甚沸然畏堂莫
敢言鼎獨上章發其奸鎰遂除名堂鵬大恨時劉瑾
已敗乃厚賄權倖思中之會流冠起鼎陳弭盜機宜
權倖遂激帝怒令吏部誦之部擬漢州判官不許謂

前籍平江伯賁資產附劉瑾增估物價疑有盜侵遂
下詔徹掠治尚書楊一清救之乃斥為民世宗立召
復故官遷河南叅議却人馬蔭為欽言煽其黨崇世
蔭等為亂自盧氏浙川流入商南山陽諸縣所過焚
掠剽督兵禽斬之賊盡平改陝西副使擢浙江按察
使廉介正五不通私錫召為應天府尹未任卒洋與
璞文皆紹正同年進士洋字望之信陽人由行人擢
御史大學士李東陽既致仕將推簡閣臣洋以禮部尚
書知制誥靳青不協物望恐其營入政府乃先事極
論且言大學士梁儲縱子殺人屢劾不退并宜亟罷

疏入帝惡其排陷大臣下詔獄貶桂林教授嘉靖中
累遷右僉都御史巡撫寧夏尋總督南京糧儲終大
理卿洋為行人時與婦弟何景明及李夢陽王廷相
崔銑田汝耕相切劘為古文詞由是以文學顯所居
官皆有廉直聲泰字志同吳人弘治十二年進士由
衢州府推官入為御史武宗收召京師無賴及宦官
所養為義子與之游處一日而賜國姓者百二十七
人泰抗言其非帝怒謫衢州推官終廣東叅議璞字
中善江長人由歸安知縣召拜御史正德八年出按
雲南鎮守中官梁裕貪橫璞裁抑之為所誣逮赴詔

獄竟死獄中世宗嗣位贈太僕少卿賜祭葬文大同
小陰人由知縣擢御史正德中阿爾禿廝亦不剌與
小王子戰敗引所部至甘肅塞外駐牧時入寇掠巡
撫張翼總兵官王勛衛勇鎮守太監宋彬分守太監
張昭不能禦寇漸深入陷堡砦五十三殺掠軍民千
二百有奇孳畜甲仗失亡數萬翼彬等匿不以聞間
襲取其老弱殘病及為小王子所殺者胃為首功凡
一千九百餘前後以捷奏者十一每奏輒璽書褒美
至增翼級賜勛蟒衣彬亦加俸而賊猖獗如故以翼
彬有與援本兵不敢詰七年秋文出巡按盡發其奸

翼等大恨令謀行賄于內思傾文會文嘗劾倉事趙
應龍縱子納賄應龍被逮亦撫計文細事遂并逮文
獄具二人俱斥為民翼雖代還竟以內援但令致仕
舉朝為之不平嘉靖中累官右副都御史巡撫遼東
告歸卒翰臣大同人正德三年進士歷官御史巡按
山東九年秋吏部主事東平梁穀誣其里人袁質等
與歸善王當汝謀叛按驗無狀翰臣因劾穀扶私誣
叛且言當汝之罪成于長史馬魁誣訴乞正其罪時
近倖方欲邀功疏至責翰臣為叛人掩飾逮繫詔獄
謫廣德州判官終山東副使經興州左衛人正德六

年進士歷官御史出按宣府勅鎮守中官于壽貪肆
罪帝不問隆慶州舊惟三門知州張皞請於經壇開
西門便民汲經書杖人有死者壽遂修卻勅經壇開
城垣虐死無辜逮繫詔獄考訊摘案南河西典史尋
卒世宗初贈祭如張璜

張芹字文林峽江人弘治十五年進士授福州推官
有操執御史欲出一賊吏拒不聽正德中召為南京
御史寧夏既平大學士李東陽亦進官廕于芹抗疏
曰臣惟東陽謹厚有餘正直不足儒雅足重節義無
聞先帝誤以為賢臨崩託以陛下凡為休戚義與國

同分逆瑾亂政東陽為顧命大臣既不能遏之於始
及惡跡既彰又不能出力與之抗乃脂韋順從惟其
指使使瑾日益驕荼毒天下其罪已莫贖矣今叛賊
底平東陽何力之有顧得冒功受賞人心何以能服
哉臣竊見大臣正直者多不容於瑾得勢之時奸邪
者多見斥于瑾得罪之後而東陽始終無恙不知其
何術而善為身謀至此也乞立賜罷斥奪其加恩為
大臣事君不忠者戒疏出東陽渾泣不能辨帝責芹
沽名令對狀芹請罪停俸三月給事中竇明言事下
獄芹疏救之帝嘗馳馬而傷編修王思切諫坐遠斥

芹聞之曰彼非誅官尚爾吾儕可坐視乎遂上疏曰
孟子言從獸無厭謂之荒老聃曰馳騁田獵使人心
發狂心狂志荒何事不忘皆甚言無益有害也今輕
萬乘之尊乘危冒險萬一有不可諱皇嗣未誕如宗
廟社稷何臣敢以一言悟陛下雖獲罪以死無所悔
帝不省尋出為徽州知府寧王宸濠反言者以芹家
江西慮賊剽其親屬取道出徽乃改知杭州已而復
遷徽州嘉靖初遷浙江海道副使歷石叻政右布政
使坐為海道時倭人爭貢誤傷居民罷歸芹事總母
孝持身儉素系袍襦食終已無改焉

論曰武宗之世中官亂政斥逐忠良無虛日一時言
路諸臣並以死奉職畧無回撓事雖無濟於祖宗設
立臺諫之意庶幾無負矣而葉剗之請易司禮張芹
之疏責東陽義聲感奮勁節凜凜則尤不可及云